

de don. ante nupt. contractibus annumeranda est, & specialis contractus expressè vocatur in Nov. 119. cap. 1.

CCV.

Quatenus donationes mortis causa legatis exequatæ sint?

Mortis causâ donationes ad exemplum legatorum revocatæ sunt: *l. Marcellus. 15. ff. de mort. caus. donat. legatorum instar obtinent. l. et. si debitor. 12. d. t.* Comparantur legatis: *l. 1. §. si alienatio. 1. ff. si quid in fraud. patr.* Omnes effectus sortiuntur, quos ultimæ habent liberalitates, neque ex quacunque parte iis ab similes intelligendæ sunt: *l. ult. in fin. C. de donat. caus. mort. ad exemplum legatorum redactæ sunt per omnia. §. mortis causa. 1. Inst. de donat.* Et verum tamen est, quod interdum comparatio legatorum, & mortis causâ donationum, nulla sit: ut in specie. *l. si filius. 20. §. 1. ff. de leg. prest.* & aliàs quoque non una in illis occurrat differentia: veluti, quod mortis causâ ponare possint, qui tamen testari & legata dare non possunt; Eaque tenus mortis causâ donationes negotiis inter vivos contractis, quàm ultimis voluntatibus, similiores sint. *l. tam is. 25. §. 1. de mort. caus. donat.* Quod mortis causâ etiam præsens præsentis det: *l. inter mortis. 28. in pr. d. t.* & vivus res corporaliter transferat. *l. 1. §. si is qui. 5. ff. quod legat. legata autem præstanda sint à defuncti herede §. legatum 1. Inst. de legat. & si ab ipso testatore præstentur,*